

130
DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

BIU Santé
Médecine
Paris

QUÆSTIO MEDICA,

QUOD LIBRETARIIS DISPUTATIONIBUS

manè discutienda in Scholis Medicorum, die Jovis undecimo mensis

Februarii, anno Domini M. DCC. LXXX.

M^o. GEORGIO LANIGAN, Doctore Medico, Præfide.

An in scrophulis discutientia & Diluentia ?

I.

UT strumas curare, sic eas definire Perarduum est. Opera enim medica legenti plures definitiones se se mutuo oppugnantes occurrunt, nec facile erat in vitium fugere, cum auctores morbum, naturâ suâ simplicem, in plures agrimonia discerpserint: dicti veritatem comprobant *strumæ benignæ, malignæ, mansuetæ, internæ, externæ, strumæ ossium, carniû, &c.* aliaque huic morbo imperita nomina verum diversa strumarum stadia, varias conditiones considerare liceat, Postquam definitionem exarare sategerimus.

Scrophularum nomine intelligitur tumor major vel minor, renitens, inæqualis, dolore plerumque carens, cuti sanæ nunc concolor, nunc paululum rubescens aut livescens; attamen interdum plurium glandularum juxta se positarum tumores in unum coeunt, adeoque grandiozem efformant.

Sedes frequentissima & fere propria scrophularum sunt glandulæ, partes glandulosæ, molles & laxæ, atque organum omne quod textu cellulari raro conflatur, notandum tamen organa capiti viciniora crebrius scrophulis tentari, quando corpus est validum, si verò delicatum & languidum fuerit, glandulas internas vel pectoris, vel imi ventris corripit (a).

Mâterialis causa scrophularum est lymphæ quæ ex œconomia animalis legibus supra dicta organa irrorat, quidquid differuit antiquitas de pituitâ crassâ, de atrabile, de acidis coagulantibus, de fermentis, &c. Commentitum est galenique subtilitatem redoler.

Musculorum debilitas, pravæ digestiones, imperfecta lymphæ elaboratio, habitatio in locis humidis, vita deses & otiosa, esculenta rudiora, aquæ virriolicæ, &c. genesi earum præ reliquis favent. Imò repentina ventorum & calidi imprimis aeris in frigidum mutatio quæ in vallibus, jugis montium altissimo-

(a) Lalouette, Traité des Scroph., Tom. I, pag. 26.

rum interjectis, creberrimè accidit, inter notabiliores causas procatharticas referri meretur; quoniam aer frigidus post prægressam corporis incalcentiam & largiorem transpirationem subito allabens glandulas colli, præsertim si dictarum vallium incolæ collo prorsus nudato incedant, citissimè constringit, adeoque ulteriorem exhalationem impedit, & lympham ad stagnationem proclivem magis coagulat.

Summatim quæcumque lympham mediatè vel immediatè cogunt, quæcumque vasorum diametros minuendo, angustiore viam lymphæ parant, quæcumque sint causæ quæ lymphæ has partes lambenti, moras nectant.

Morbus hic uti exhaustè dictis patet cancro affinis est, excepto dolore qui nullus aut ferè nullus in scrophulis, in cancro atrocissimus perſentitur, eas étiam, ut auctor est Ægineta, carcinodes aliqui dixerunt. Enim vero occasione incongruæ medelæ nimium irritantis, adversi regiminis, &c. Scrophulæ sensum exquisitum induunt & canceri naturam æmulantur (b).

II.

HIPPOCRATES strumosa tubercula pueros plurimum infestare observat, quod ad ætatem attinet, inquit (c), tubercula quidem suppurantur atque eadem strumosa magna ex parte pueros exercent, facileque ex his levantur. At iisdem ubi paululum processerint, atque adoleverint, nascuntur quidem minus ac difficiliter tolluntur. Senibus verò ex huius modi tuberculis nullum accidit, at canceri latentes, qui summa corporis infestant, fiunt, & usque ad mortem comitantur.

Et alibi: cum glandulæ (d) proprio morbo laborant, morbi suboriuntur, tubercula & strumæ subſiliunt, febrisque corpus detinet; quibus afficiuntur, ubi humore ad eas ex reliquo corpore confluyente repletæ fuerint.

Ab anno (e) quadragesimo secundo ad sexagesimum tertium neque strumæ fiunt, igitur ætas puerilis strumis obnoxia (f). pueris accidunt strumæ (g), si breve his collum, & pressa tempora, & largæ maxillæ.

Hispanos scrophulis obnoxios præcipuè in locis sordidis & humidis esse asserit Quercetanus (h).

III.

PUERI ad hunc morbum proclives, acriori ingenio gaudent, in brevitate respondendi concinni sunt, oculos habent vividiores. Scrophulæ cognoscuntur tumoribus duris pisi, fabæ, castanæve magnitudine concatenatis, cuti concolores quæ non modo collum maxillamque ambiunt, sed etiam sæpe ad axillas, inguina & intus per mesenterium diffunduntur. Hæ indolentes sunt mobiles vel fixæ, aggestæ, cum labii potissimum superioris nasique crassitie, inspissantur palpebræ, oculi lacrymas perfundunt, cornea obscura fit, supercilia rara, cilia longa, pupilla contracta, tempora collapsa, abdomen tumidum cum respirandi difficultate, femora graciliora, ungues pedum & manuum rubelli & levissimi; cutis

(b) Fabric. ab Aquapend. op. Chirurg., Lib. I.

(c) Prædict., Lib. II.

(d) Hipp. de Glandul., Lib. II.

(e) Coac. 512.

(f) A. Sect. III, Aphor. 26.

(g) Vide Lomm.

(h) Diætic. Poli-Hist., pag. 119.

lenissima, ossium extremitates tumidæ, quandoque Borborygmi, tormina ventris, diarrhæa, dejectiones virides, febris hectica, somnus brevis, agrypnia, &c. &c. &c.

Omnia hæc symptomata rarò simul sæviunt, nunc major, nunc minor est eorum numerus.

Virus scrophulosum vetus & peioris indolis ulcera in diversis corporis partibus inducit pertinacia, fordida; digitos & ossa spongiosa non rarò carie afficit, articulos aggreditur, & eos in tumores atollit, qui sæpè sæpius erosâ cute rupti, modò pus, modò saniem, modò ichorem acrem, foetidum, sanguinolentum fundunt; undè non rarò anchiloses, plurimæque alia mala sæpius insanabilia.

I V.

QUÆDAM puellæ sanantur menstruationis tempore (j) si verò matrimonii vinculo junguntur, periculum est ne primo vel secundo partu occumbant, calor enim tunc temporis ultra modum auctus putrefactionem omnimodam, febres mali moris inducit.

Omnes quidem strumæ difficulter curantur, sed difficilior plures quàm una, dolentes quàm indolentes, fixæ quàm mobiles, &c.

Curatio scrophularum adhuc sanabilium vel discussionem, vel suppurationem, vel operationem chirurgicâ nititur.

Quando adhibetur operatio chirurgica, 1^o verenda sæpe est sanguinis profusio. 2^o Si vel glandulæ, vel sacculi frustulum relinquatur, struma renovatur (l).

Si applicentur caustica uti volunt plures authores, operatio hæc cautè fieri debet; cavendum ne scrophulæ sint venis vel arteriis majoribus implicitæ. Sanatis tumoribus ut supra dictum est, materia quandoque ad pulmones retropulsa difficultatem respirandi pravas digestionem procreat, hinc ingurgitatio imò hepatis obstructio; quæ mala ægrotos vexant usquedùm ulcera antiqua denuo aperiantur.

Strumarum amputationem laudat Paulus Æginetta (m) spongiam marinam commendat Rogerius, &c.

Scrophulæ sine ulla erosionem diu permanent; ast vel sponte; vel malè tractatæ & incautè irritatæ suppurantur, & his sanatis cicatrices foedæ, per totum vitæ decursum collum vel alias partes deturpant. *Frequenter strumæ evanescent mercurii salivatione & inunctione*, si fides Wartonii & Amato Luzitano.

V.

QUOAD remedia internè adhibenda, variis accomodari debent circumstantiis: deficiente calore, cute laxâ & apertâ, pulsû debili & lento, febre hectica nondum existente, Medicus tonica & dissolventia præscribere satagat. viperæ carnis esu sanatas strumas asserit Zacutus Luzitanus (n). Oleum bufonum laudatur (o). Aquas Balnei Regii (Bareges) sulphure onustas exhibere suadet Theophil. Bordeu (p). In scrophulis argentum vivum &

(j) Prix de l'Accad. de Chir. Tom. 3.

(l) Fabric. ab Aquapend. op. chir. lib. I. Albucasis sect. 3.

(m) De strumis lib. 4. Albucasis lib. 2.

(n) De Medicor. Princip. Histor. LI.

(o) Borellus in Histor. & Observ. Centur. II. Obs. 67.

(p) Prix de l'Acad. de Chir. Tom. 3.

nonnunquam cicutam prodesse asserit Ludwig. Glandularum tumores strumofos sublimati mercurii usu dissipatos affirmare non dubitat Emm. Rothart. Tonica & dissolventia conjungere studeat Medicus, ut eorum virtus ad eundem scopum certius perveniat; V. G. decocto radic. Gentianæ luteæ, chamædrys, chamæpytis, kinæ-kinæ, vel earumdem plantarum vinosæ infusioni addatur alkali fixi dosi conveniens. Hoc enim impactam in telâ cellulari lympham solvit, illa verò fibrarum vim tonicam excitant. Purgantia indicatione requisita identidem præscribantur, &c.

Si verò morbus jam antiquus comitem habeat febrem hecticam, si cutis arida, deurens. Pulsus vibratilis, dejectiones foetidæ, virides cum nimia sensibilitate &c. diluentia, farinacea, acido-mucosa, decocta ex hordeo, plantis cichoraceis, &c. sunt adhibenda, Medicus putrefactionem colliquativam avertere satagat calorem minuendo, donec symptomata memorata fuerint mitigata. Hæc sunt vera remedia rationi & experientiæ consona. Igitur concludere liceat.

Ergo in scrophulis discutientia & diluentia.

DOMINI DOCTORES DISPUTATURI.

M. Joannes-Jacobus LE ROUX
DES TILLETS, Chirurg. gall.
id. an. 1783-84 Professor.

M. Augustinus ROUSSEL DE
VAUZESME, Bibliothecarius
an. 1780-81.

M. Joannes-Baptista-Claudius
JEANNET DES LONGROIS,
Chirurgiæ gall. id. an 1784-
85 Professor.

M. Franciscus - Nicolaus SI-
MONNET, Rei Herbariæ an.
1784-85, & Physiolog. Prof.

M. Franciscus DOUBLET, Phi-
siologiæ & Pathologiæ annis
1783-85-Professor.

M. Tuffanus-Claudius-Nicolaus
NAVIER.

M. Joannes-Baptista-Alexander
MAIGRET.

M. Josephus PHILIP, Physi-
ol. & Pathol. ann. 1770-72, U.
Pharm. ann. 1778-79 Prof.,
Salub. Facul. Decanus ann.
1780-82.

M. Joannes D'ARCET, Utriusq.
Pharmacæ ann. 1771-72, &
Chemiæ in Salub. Fac. Prof.

Proponebat Parisiis, CLAUDIUS COUILLEROT DES CHARIELES, Doctor
Medicus Rhemensis saluberrimæ Facultatis Medicinæ Parisiensis
Baccalaureus, Theses auctor.

Typis QUILLAU, Saluberrimæ Facultatis Medicinæ Typographi. 1790.

